

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 37. stav (1) i 46. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23, 4/24 i 12/24), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 37. sjednici, održanoj dana 26.07. 2024. godine, d o n o s i

## **ODLUKU**

### **o usvajanju Programa utroška sredstava Budžeta Zeničko-dobojskog kantona za zdravstvenu zaštitu životinja u 2024. godini**

#### **Član 1. (Predmet)**

Usvaja se Program utroška sredstava Budžeta Zeničko-dobojskog kantona za zdravstvenu zaštitu životinja u 2024. godini, u razdjelu 23, budžetska organizacija 01, potrošačka jedinica 0001, ekonomski kod 614400, NAD 405, "Subvencije-veterinarstvo", „budžetska sredstva“ u iznosu od 200.000,00 KM (slovima: dvijestotinehiljada konvertibilnih maraka), Budžeta Zeničko-dobojskog kantona za 2024. godinu („Službene novine Zeničko-dobojskog kantona", broj: 21/23 i 12/24) i čini sastavni dio ove odluke.

#### **Član 2. (Način realizacije sredstava)**

Sredstva planirana ovim Programom utroška sredstava realizovat će se isključivo u skladu sa mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

#### **Član 3. (Realizacije Odluke)**

Za realizaciju ove odluke zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

#### **Član 4. (Stupanje na snagu)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-13464/24

Datum, 26.07.2024. godine

Zenica

**PREMIJER**

*Nezir Pivić*

Dostavljeno:

1 x Ministarstvo za poljoprivredu, šumarstvo  
i vodoprivredu,

1 x Ministarstvu finansija,

1x „Službene novine Zeničko-dobojskog kantona“,

1 x a/a.

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
MINISTARSTVO ZA POLJOPRIVREDU,  
ŠUMARSTVO I VODOPRIVREDU**



**PROGRAM**

Programa utroška sredstava Budžeta Zeničko-dobojskog kantona za zdravstvenu zaštitu životinja u 2024. godini

**Zenica, jul 2024. godine**

## Podaci o Programu

Program je usvojen: na 37. sjednici Vlade Zeničko-dobojskog kantona održanoj dana 26.07.2024. godine.

Period realizacije Programa: Realizacija Program utroška sredstava Budžeta Zeničko-dobojskog kantona za zdravstvenu zaštitu životinja u 2024. godini (u daljem tekstu: Program).  
Mjere zdravstvene zaštite životinja iz Programa koje budu provedene u periodu od 01.01. do 31. 12.2024. godine.  
U ovom periodu izvršit će se i isplata neisplaćenih naknada štete za uginule i neškodljivo uklonjene životinje u 2023. godini i nerealizovani zahtjevi iz prethodnog perioda

Ukupna vrijednost Programa: 200.000,00 KM

Namjena Programa: Zdravstvena zaštita životinja

Korisnici Programa: Veterinarske stanice, dijagnostičke ustanove, poljoprivredni proizvođači-vlasnici životinja, pčelari-fizička i pravna lica, općine/gradovi (u daljem tekstu: Korisnici).

Izvor sredstava: Budžetska sredstva u Budžetu Zeničko-dobojskog kantona u 2024 . godini, Ministarstvo za poljoprivredu, šumarstvo i vodoprivredu, "Subvencije-veterinarstvo"- budžetska sredstva, razdjel 23, budžetska organizacija 01, potrošačka jedinica 0001, ekonomski kod 614400, NAD 405, na osnovu Zakona o izvršavanju Budžeta Zeničko-dobojskog kantona za 2024. godinu ("Službene novine Zeničko- dobojskog kantona", broj: 21/23, 4/24 i 12/24).

Odgovorna osoba: Jasmin Čajić, ministar

## **I NAZIV PROGRAMA**

Program utroška sredstava Budžeta Zeničko-dobojskog kantona za zdravstvenu zaštitu životinja u 2024. godini, Subvencije - veterinarstvo", „budžetska sredstva“ razdjel 23, budžetska organizacija 01, potrošačka jedinica 0001, ekonomski kod 614 400, NAD 405.

## **II ZAKONSKI OSNOV ZA DONOŠENJE PROGRAMA**

Zakonski osnov za donošenje Programa utroška sredstava Budžeta Zeničko-dobojskog kantona za zdravstvenu zaštitu životinja u 2024. godini sadržan je u odredbama Zakona o veterinarstvu ( "Službene novine Federacije BiH" , broj: 46/00), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 , 4/24 i 12/24) kojim je utvrđeno da će se navedena sredstva koristiti u skladu sa Programom utroška kojeg donosi Vlada Kantona.

Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo prijedlog Program utroška sredstava Budžeta Zeničko-dobojskog kantona za zdravstvenu zaštitu životinja u 2024. godini.

## **III IZVORI FINANSIRANJA I VISINA SREDSTAVA**

Budžetom Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24), „Subvencije-veterinarstvo“, u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „budžetska sredstva“, predviđena su sredstva u iznosu od 200.000,00 KM (slovima: dvijestotinehiljada konvertibilnih maraka).

## **IV AKTIVNOSTI I CILJEVI IZ PROGRAMA**

Na osnovu epizootiološke situacije na području Zeničko-dobojskog kantona (u daljem tekstu: Kanton), kontinuiteta u provođenju preventivnih mjera zdravstvene zaštite životinja, na području Kantona u 2024. godini, ovim Programom planira se provođenje slijedećih aktivnosti:

1. Kontrola zdravlja muznih grla,
2. Uzimanje uzoraka za ispitivanje Infektivne anemije konja,
3. Klinički pregled svinja na Afričku svinjsku kugu (ASK)
4. Naknada štete za eutanazirane životinje,
5. Preventivna vakcinacija goveda protiv Crnog prišta,
6. Realizacija nerealizovanih zahtjeva iz prethodnog perioda i pomoć u posebnim okolnostima.

**1. Kontrola zdravlja muznih grla-sufinansiranje laboratorijskih pretraga broja mikroorganizama i somatskih stanica u mlijeku krava** koje se stavlja u javnu potrošnju, za proizvođače koji su u sistemu organizovanog otkupa mlijeka ili su registrovani za preradu mlijeka u vlastitom domaćinstvu. Sufinansiranje iznosi 20,00 KM/kravi u laktaciji. Mjere dijagnostičkog ispitivanja sprovodiće nadležne veterinarske stanice na dodijeljenim područjima djelovanja. Pravo na sredstva ostvaruju proizvođači putem veterinarskih stanica.

**Cilj:** osigurati otkup mlijeka za javnu potrošnju samo od zdravih kontrolisanih i ispitanih muznih krava, eliminisati iz produkcije sve životnje sa oboljelim vimenom.

**2. Uzimanje uzoraka za ispitivanje Infektivne anemije konja** – uzimanje uzoraka krvi svih konja radi ispitivanja na prisustvo uzročnika zarazne bolesti Infektivna anemija konja na području Kantona. Pravo na sredstva ostvaruju vlasnici konja putem veterinarskih stanica.

**Cilj:** suzbiti bolest i ukloniti sve seropozitivne životinje kako bi zaštitili zdravu populaciju konja.

- 3. Klinički pregled svinja na Afričku svinjsku kugu (ASK)** - svrha je otkrivanje, suzbijanje i iskorjenjivanje ove bolesti na sumnjivim gazdinstvima zaraženih i ugroženih područja općina Žepče, Maglaj i Zavidovići. Klinički pregled i propisane mjere sprovode ovlaštene veterinarske stanice na epizootičkim jedinicama Žepče, Maglaj i Zavidovići a u skladu sa članom 10. i 11. Pravilnika za nadzor afričke svinjske kuge. („Službeni glasnik BiH“, broj: 15/11).

**Cilj:** održati postojeći broj svinja, suzbiti bolest i ukloniti sve pozitivne životinje na ASK

**4. Naknada štete za eutanazirane životinje** – za eutanazirane životinje i predmete uništene tokom provođenja naređenih mjera, u skladu sa članom 45. i članom 46. Zakona o veterinarstvu ("Službene novine Federacije BiH", broj: 46/00), vlasnicima se plaća naknada štete. Mjere se provode po naredbi veterinarskog inspektora. Naknada štete se namiruje iz Budžeta Kantona i Budžeta Federacije u jednakom iznosu, a iznos naknade štete korisniku utvrđuje Komisija za procjenu tržišne vrijednosti životinja imenovana od ministra Ministarstva za poljoprivredu, šumarstvo i vodoprivredu Zeničko-dobojskog kantona, u skladu sa odredbama Pravilnika o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18).

**Cilj:** provesti sve naređene mjere eutanazije životinja i izvršiti pravičnu nadoknadu štete vlasnicima koji su ispunili propisane uslove, za sve ubijene životinje.

**5. Preventivna vakcinacija goveda protiv Crnog prišta** - provodi se u svrhu sprečavanja suzbijanja i iskorjenjivanja ovih bolesti kod životinja jer predstavljaju opasnost za zdravlje ljudi i opasnost od nastanka velikih materijalnih šteta.

**Cilj:** vakcinisati sva goveda u distriktima Antraksa i tako smanjiti opasnost od širenja bolesti na ljude.

- 6. Realizacija nerealizovanih zahtjeva iz prethodnog perioda i pomoć u posebnim okolnostima** – svrha utroška je izmirivanje svih nerealizovanih potraživanja iz prethodnog perioda kao i dodjeljivanje pomoći za revitalizaciju animalne proizvodnje koja je pretrpila znatne štete i za čije pokretanje sam vlasnik nije u mogućnosti obezbijediti sva sredstva.

**Cilj:** izmiriti sva zaostala potraživanja i pružiti odgovarajuću pomoć subjektima koji su pretrpili materijalnu štetu.

## **V KRITERIJI ZA ODOBRAVANJE SREDSTAVA**

### **A. Opći kriteriji**

Sredstva po ovom Programu moći će ostvariti Korisnici koji ispune opće i posebne kriterije, kako slijedi:

- Korisnici moraju imati prebivalište, odnosno sjedište na području Zeničko - dobojskog kantona a SPH moraju posjedovati veterinarski kontrolni broj ili evidencijski broj,
- Korisnici ne smiju imati dugovanja prema Kantonu po osnovu javnih prihoda i svih ostalih obaveza prema Kantonu, u skladu sa Zaključkom Vlade Zeničko-dobojskog kantona, broj: 02-14-8705/17 od 01.06.2017. godine,
- Korisnici ne mogu ostvariti pravo na finansiranje istih preventivnih mjera u koliko su to pravo ostvarili kod drugog kantonalnog ili federalnog organa,
- korisnici koji pored općih kriterija ispunjavaju i posebne kriterije propisane ovim Programom i Uputstvom o za ostvarivanje prava na isplatu sredstava iz Programa utroška sredstava Budžeta Zeničko-dobojskog kantona za zdravstvenu zaštitu životinja u 2024. godini i Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2024. godini (u daljem tekstu: Uputstvo), koje donosi ministar

- Ministarstva za poljoprivredu, šumarstvo i vodoprivredu Zeničko-dobojskog kantona,
- Životinje koje budu obuhvaćene mjerama iz ovog Programa zdravstvene zaštite moraju biti propisno obilježene i moraju biti upisane u jedinstveni registar domaćih životinja, u skladu sa Pravilnikom o obaveznom označavanju i upisu u jedinstveni registar ovaca, koza i svinja, te vođenje evidencija („Službene novine Federacije BiH“, broj: 87/07) i u skladu sa odredbama Pravilnika o označavanju i kontroli kretanja životinja u Bosni i Hercegovini („Službeni glasnik BiH“, broj: 13/10, 79/10, 25/11, 103/11 i 41/12, 52/15, 2/16 i 66/16).
  - Veterinarske stanice mogu ostvariti pravo na sredstva za organizaciju i provođenje mjera samo na dodijeljenom području djelovanja u skladu sa Programom mjera zdravstvene zaštite životinja i njihovog provođenja u 2024. godini, Ureda za Veterinarstvo BiH.

## **B. Posebni kriteriji po planiranim aktivnostima iz Programa**

- 1. Kontrola zdravlja muznih grla – pored općih kriterija životinje koje se ispituju moraju biti u laktaciji i moraju biti uključene u organizovani otkup mlijeka. Planirani iznos 100.000,00 KM.**
- 2. Uzimanje uzoraka za ispitivanje Infektivne anemije konja**  
Konji koji se ispituju moraju biti identifikovani i obilježeni čipom. Planirani iznos 5.000,00 KM.
- 3. Klinički pregled svinja na Afričku svinjsku kugu (ASK)**  
Finansiraće se klinički pregled svinja i provođenje propisanih mjera na području Kantona, u zaraženim područjima u mjestima Goliješnica, Brankovići, Lug, Matina, Ozimica, Ponijevo i Lupoglav i ugroženom području cijele općine Žepče kao i dijelovi općina Maglaj i Zavidovići.  
Planirani iznos sredstava je 5.000,00 KM.
- 4. Naknada štete za eutanazirane životinje**  
Da bi ostvarili pravo na nadoknadu štete vlasnici eutanaziranih životinja su dužni dostaviti kompletiranu dokumentaciju koja je propisana Pravilnikom o postupku isplate nadoknade štete za neškodljivo uklonjene seropozitivne životinje („Službene novine Federacije BiH“, broj: 98/12 i 88/18). Planirani iznos 25.000,00 KM.
- 5. Preventivna vakcinacija goveda protiv Crnog prišta - finansiraće se preventivna vakcinacija goveda u distriktnom područjima Crnog prišta pojedinih općina u Kantonu, radi sprečavanja i iskorjenjivanja zarazne bolesti životinja od značaja za Federaciju BiH i Zeničko-dobojski kanton, jer predstavlja opasnost za zdravlje ljudi i mogu nanijeti velike materijalne štete. Planirani iznos 25.000,00 KM.**
- 6. Realizacija nerealizovanih zahtjeva iz prethodnog perioda i pomoć u posebnim okolnostima - odobrava će se zahtjevi iz prethodnog perioda koji zbog određenih administrativnih poteškoća nisu isplaćeni ili kada je korisnik ostvario pravo u ponovljenom postupku provedenom po pravosnažnoj sudskoj presudi, odnosno po pravosnažnom rješenju donesenom u drugostepenom postupku. Dodjeljivaće se sredstva pomoći zbog šteta nastalih kao posljedica prirodnih nesreća ili šteta nastalih zbog naglih uginuća životinja, a koje nisu nastale nebrigom vlasnika. Nakon razmatranja zahtjeva sredstva će odobravati Vlada posebnim zaključkom ili odlukom, na prijedlog Ministarstva. Planirani iznos 40.000,00 KM.**

### *Tabelarni prikaz aktivnosti iz Programa*

| R/B | Naziv                                                                                    | Iznos u KM        |
|-----|------------------------------------------------------------------------------------------|-------------------|
| 1.  | Kontrola zdravlja muznih grla                                                            | 100.000,00        |
| 2.  | Uzimanje uzoraka za ispitivanje Infektivne anemije konja                                 | 5.000,00          |
| 3.  | Klinički pregled svinja na Afričku svinjsku kugu (ASK)                                   | 5.000,00          |
| 4.  | Naknada štete za eutanazirane životinje                                                  | 25.000,00         |
| 5.  | Preventivna vakcinacija goveda protiv Crnog prišta                                       | 25.000,00         |
| 6.  | Realizacija nerealizovanih zahtjeva iz prethodnog perioda i pomoć u posebnim okolnostima | 40.000,00         |
|     | <b>U K U P N O :</b>                                                                     | <b>200.000,00</b> |

Napomena: Kolone u tabelama koje definišu procjenu potrebnih sredstava u KM su projekcija mogućeg utroška sredstava, tako da će ovisno o broju zahtjeva biti prelijevanja sredstava iz jedne aktivnosti u drugu. Zbog mogućih nepredvidivih situacija u pogledu stanja i kretanja zaznih bolesti životinja, moguća su preusmjeravanja već planiranih sredstava u druge neophodne mjere (aktivnosti).

## **VI KORISNICI SREDSTAVA**

Korisnici sredstava su Veterinarske stanice, dijagnostičke ustanove, poljoprivredni proizvođači-vlasnici životinja, fizička i pravna lica, općine/gradovi Zeničko-dobojskog kantona

## **VII IZVJEŠTAVANJE**

Korisnici programa za određene mjere i aktivnosti iz Programa dužne su izvjestiti Ministarstvo o utrošku sredstava na način kako će biti određeno pojedinačnim odlukama Vlade Kantona o odobravanju sredstava.

Broj:02-11-13464/24  
Zenica, 26.07.2024. godine

**PREMIJER**

Dostavljeno:  
1x Ministarstvu za poljoprivredu šumarstvo  
i vodoprivredu,  
1x Ministarstvu finansija,  
1x „Službene novine Zeničko-dobojskog kantona“,  
1x a/a.

**Nezir Pivić**